



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De viduis, quæ professam continentiam præuaricatæ sunt. xxxix.

urn:nbn:de:hbz:466:1-10722

fiarum conuentibus eliminandas esse iudicatum est: quatenus detrusæ ergastulis, tantum facinus continua lamentatione desceant. Vnde verbo domini, & canonica autoritate in hac sancta synodo præcipimus, ut omnino separentur, & iuramento colligentur, vtterius sub uno non cohabitare tecto, nec familiari frui colloquio, excepto in Ecclesia, aut in publico, aut rem habere vllam communem, unde suspicio illecebrosi desiderii, aut scandalum libidinosi facti iustè possit oriri. Si qua etiam inter se diuidēda sint, diuidant, & vterque sua prouideat, & incestuosus sine spe coniugij maneat.

De viduis quæ professam continentiam præuaricatae sunt. Cap. XXXIX.

De viduis quæ professam continentiam præuaricatae sunt. Sicut bonum est castitatis præmium, ita & maiori obseruantia & præceptione custodiendū est, vt si quæ viduae, quamlibet adhuc in minoribus annis positæ, & maturata aetate à viro relictæ, se deuouerint Deo, & ueste laicali abiecta, sub testimonio episcopi & Ecclesiæ religioso habitu apparuerunt: postea verò ad nuptias seculares transferunt, secundum apostolum damnationem habeant: quia fidē castitatis quam Deo voverunt, irritam facere videntur. Tales ergo personæ à Christianorum communione sequestrentur, neque etiam in coniuio cum Christianis communicent. Nam si adulteræ coniuges reæ sunt, si suis viris obnoxiae fuerint, quantò magis viduae, quæ Dei religiositatē mutauerunt, crimine adulterij notabuntur, si deuotionem quam sponte nec coactæ Deo obtulerunt, libidinosa voluntate corruperint, atque ad secundas nuptias transitum fecerint? Quæ & si violentia irruente ab aliquo oppressæ fuerint, ac postea delectatione libidinis permanēte in coniugio raptori vel violento viro consenserint, damnatione superius dicta teneantur obnoxiae. De talibus ait Apostolus: Cùm enim luxuriatæ fuerint, nubete in Christo volunt, habētes damnationem: quia primam fidem irritam fecerunt.

De eadem re. Caput XL.

Ex concil. Carthag. cap. 104.

Ex decreto. Zepherini papæ, cap. 4.

VT viduae non sint in deliciis, sed secundum Apostolum, sub potestate episcopi viuant.